



Broj: 02-24-583/18
Fojnica, 18.05.2018.god

Na osnovu Odluke o usvajanju Budžeta općine Fojnica za 2018. godinu i Odluke o izvršenju Budžeta općine Fojnica za 2018. godinu Služba za privredu, finansije i budžet predlaže:

**PROGRAM
UTROŠKA SREDSTAVA IZDVOJENIH U BUDŽETU OPĆINE FOJNICA ,
„POTICAJI ZA UNAPREĐENJE POLJOPRIVREDNE PROIZVODNJE“
U 2018.GODINI**

U Budžetu općine Fojnica za 2018. godinu osigurana su sredstva za podrške u primarnoj poljoprivrednoj proizvodnji na općini Fojnica u iznosu 70.000,00 KM. Na osnovu detaljne analize i potreba predlažem raspodjelu poticajnih sredstava kako slijedi:

| | |
|-----------------------------------------------------------------------------------------------------------------------|---------------|
| Lot 1. Poticaj za plasteničku/stakleničku proizvodnju | 10.000,00 KM. |
| Lot 2. Poticaj za uzgoj rasplodnih junica | 17.000,00 KM. |
| Lot 3. Poticaj za pčelarsku proizvodnju | 3.000,00 KM. |
| Lot 4. Poticaj za uzgoj ovaca i koza | 10.000,00 KM. |
| Lot 5. Podrška ranije registrovanim poljoprivrednim obrtima i podrška novoregistrovanim poljoprivrednim obrtnicima | 20.000,00 KM. |
| Lot 6. Podrška izgradnji štalskih objekata | 10.000,00 KM. |

Podaci o Programu

1. Program je usvojen: 18.05.2018 godine.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 06. do 15. 11. 2018. godine.
3. Ukupna vrijednost Programa: 70.000,00 KM
4. Namjena Programa: Animalna proizvodnja
Biljna proizvodnja
Podrška poljoprivrednim proizvođačima
5. Korisnici Programa: Poljoprivredni proizvođači sa područja općine Fojnica koji su upisani u Registar poljoprivrednih gazdinstava i Registar klijenata
6. Izvor sredstava: Budžet Općine za 2018. godinu.
7. Nosilac Programa: Služba za privredu, finansije i budžet
8. Odgovorna osoba: dipl.ing. Sabahudin Klisura, načelnik općine

I UVOD

Zakon o poljoprivredi („Sl.novine FBiH“ br:88/07, 04/10, 27/12 i 7/13) je krovni poljoprivredni dokument. Njime su formalno pravno objedinjeni i definisani osnovni sadržaji u području poljoprivrede, koji su nužno potrebni za provođenje ciljeva i mjera poljoprivredne politike. Ovaj zakon otvorio je put za daljne reforme u poljoprivredi, a posebno nas je usmjerio na reformske procese u poticajnoj politici.

U skladu sa Zakonom o novčanim podrškama u poljoprivredi i ruralnom razvoju («Sl. novine FBiH» broj 42/10), procesom harmonizacije na federalnom i kantonalnom nivou i otklanjanja paralelizma u podrškama u primarnoj poljoprivrednoj proizvodnji po Programu za 2018. godinu, ukupno izdvojena sredstva za podršku u primarnoj poljoprivrednoj proizvodnji 70.000,00 KM.

U izradi Programa za 2018. godinu korišteni su sljedeći parametri:

- Proizvodne resursne mogućnosti Općine,
- Potencijalno raspoložive prirodne i ljudske resurse i mogućnosti njihovog stavljanja u funkciju zadovoljavanja domaćih potreba za hranom, odnosno izvoza,
- Zakonske i programske obaveze,
- Analize realizacije podrški u proteklom periodu
- Mogućnosti plasmana poticajnih proizvodnji,

U skladu sa raspoloživim sredstvima, mjere podrške u poljoprivredi iz Budžeta Općine za 2018. godinu su usmjerene prema slijedećim proizvodnjama i aktivnostima.

Podrška poljoprivrednoj proizvodnji

A. BILJNA PROIZVODNJI

-Podrška plasteničko/stakleničke proizvodnje

B. ANIMALNA PROIZVODNJA

-Podrška za uzgoj rasplodnih junica

-Podrška pčelarskoj proizvodnji

-Podrška za uzgoj ovaca i koza

C. OSTALE VRSTE PODRŠKE

- Podrška poljoprivrednim obrtima i podrška novoosnovanim poljoprivrednim obrtnicima

- Podrška za izgradnju štalskih objekata

II KRITERIJI ZA RASPODJELU SREDSTAVA

Odobrena finansijska sredstva iz Budžeta raspoređivat će se fizičkim i pravnim licima (u daljem tekstu korisnici) prema općim i posebnim kriterijima i propisima definisanim Javnim pozivom.

1. Opći kriteriji

Pravo na ostvarivanje podrške stiču:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji općine Fojnica, ako to ovim Programom ili javnim pozivom nije drugačije propisano,
- korisnici koji imaju stalno mjesto prebivališta, odnosno za pravna lica sjedište na području općine Fojnica,
- korisnici koji su upisani u Registar poljoprivrednih gazdinstava i Registar klijenata kao nosioci.

2. Posebni kriteriji

Pravo na ostvarivanje podrške stiču:

- korisnici koji ispunjavaju posebno propisane kriterije predviđene ovim Programom i Javnim pozivom o ostvarivanju novčanih podrški za poljoprivrednu proizvodnju ili djelatnost u poljoprivredi u 2018. godini, koje donosi Općinski načelnik,
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje,
- obaveza prijavljivanja, rokovi, tehnika i način obrade podnesenih zahtjeva detaljnije će se propisati Uputstvom,

III POTICANJE PROIZVODNJI

A. BILJNA PROIZVODNJA

- **Podrška za plasteničko/stakleničku proizvodnju-** pravo na novčanu podršku imaju proizvođači koji su kupili i zasnovali plasteničku/stakleničku proizvodnju za period od 01.01.2018 do 15.11.2018 godine odnosno do kraja isteka Javnog poziva. Sufinansiranje navedene podrške je 500 KM. Plastenik mora biti površine od 100-300 m². Za ostvarenje prava na podršku korisnik/proizvođač općinskoj službi dostavlja dokumentaciju najkasnije do 15.11.2018 godine.

B. ANIMALNA PROIZVODNJA

- **Podrška za uzgoj rasplodnih junica** – Pravo na novčanu podršku za uzgoj priplodnih junica imaju korisnici/proizvođači koji uzgoje dvije junice ne starije od dvije godine. Novčana podrška za uzgoj rasplodnih junica iznosi 250 KM/grlu. Za ostvarenje prava na podršku korisnik/proizvođač općinskoj službi dostavlja dokumentaciju najkasnije do 01.10.2018 godine.
- **Podrška za pčelarsku proizvodnju-** Pravo na novčanu podršku za pčelarsku proizvodnju imaju korisnici/proizvođači koji imaju najmanje 10 pčelinjih društava za proizvodnju meda i drugih pčelinjih proizvoda. Novčana podrška za pčelarsku proizvodnju iznosi 5 KM/košnica. Za ostvarenje prava na podršku korisnik/proizvođač općinskoj službi dostavlja dokumentaciju najkasnije do 15.07.2018 godine.

